

museum

National Museum of Ireland

Ard-Mhúsaem na hÉireann

**Caomhnóir Teicstíle
(Coimeádaí Cúnta Grád II)**

Ard-Mhúsaem na hÉireann

LEABHRÁN EOLAIS

National Museum of Ireland

Tá **Ard-Mhúsaem na hÉireann** ag lorg iarratas ó iarrthóirí oiriúnacha chun post mar **Chaomhnóir Teicstílí (Coimeádaí Cúnta Grád II)** a líonadh in Ard-Mhúsaem na hÉireann – Ealaíona Maisiúla & Stair, Dún Uí Choileáin, Sráid na Binne Boirbe, Baile Átha Cliath 7. Is post buan lánaimseartha é seo, faoi réir thréimhse phromhaidh bliana. Líonfar an post seo tar éis agallamh iomaíoch.

Teideal an phoist

Caomhnóir Teicstílí (Coimeádaí Cúnta Grád II)

Suíomh

Beidh an té a cheapfar ag obair in Ard-Mhúsaem na hÉireann – Ealaíona Maisiúla & Stair, Dún Uí Choileáin, Sráid na Binne Boirbe, Baile Átha Cliath 7 nó in aon láthair eile d'Ard-Mhúsaem na hÉireann faoi mar a d'fhéadfadh an Stiúrthóir a ainmniú ó am go chéile.

Ag tuairisciú do

Tuairisceoidh an té a cheapfar don Cheann Caomhantais agus oibreoidh sí/sé mar bhall den Roinn Caomhantais.

Cuspóir an Phoist

Is roinn ghnóthach é an Roinn Caomhantais arb é a cúram na bailiúcháin fhairsinge Ard-Mhúsaem na hÉireann a chaomhnú, a imscrúdú agus a choinneáil slán. Tá an Roinn suite go príomha i nDún Uí Choileáin, Baile Átha Cliath, agus tá saoráidí eile aici ag cuid dár láithreacha i mBaile Átha Cliath agus i Músaem Shaol na Tuaithe i gCo. Mhaigh Eo. Déanann an Roinn Caomhantais cúram de bhreis is 4,000,000 déantán i mbailiúcháin an Mhúsaeim sna ceithre Rannán coimeádaíochta (Seandachtaí Éireannacha, Stair an Dúlra, Saol na Tuaithe in Éirinn agus Ealaín agus Tionscail) agus sna saoráidí stórála. Ina theannta sin, múineann foireann na Roinne Caomhantais modúil bhunchéime agus iar-chéime ollscoile.

Meastar go mbeidh an caomhnóir teicstílí ag obair i gceann de na saotharlanna speisialtóra i nDún Uí Choileáin, go mbeidh sí/sé oilte i gcaomhnú ábhar teicstíle (éadaí, feisteas, taipéisí agus déantáin teicstíle i gcoitinne) a bheidh oiriúnach do bhailiúcháin an Ard-Mhúsaeim agus go mbeidh mórchuid taithí phraiticiúil aici/aige. Beidh an té a cheapfar freagrach as riachtanais chúraim agus caomhnaithe bhailiúcháin teicstíle-bhunaithe an mhúsaeim agus beifear ag súil go ndéanfaidh sé bearta coisctheacha caomhnaithe agus praiticiúla araon agus go ndéanfaidh siad maoirsiú agus tionchar a imirt ar obair foirne eile, oibrithe deonacha, conraitheoirí agus intéirigh i gcúrsaí caomhnaithe.

Dualgais agus Cúraimí

Féadfaidh na dualgais seo a leanas a bheith san áireamh i ndualgais an phoist:

- Tabhairt faoi raon suirbhéanna ar bhail na ndéantán bunaithe ar theicstíl i mbailiúcháin an mhúsaeim: lena n-áirítear measúnachtaí ar dhéantáin a bheartaítear a cheannach, déantáin le cur ar taispeáint, le tabhairt ar iasacht nó déantáin sna bailiúcháin chúlchiste.
- Raon cóireálacha leigheasáin caomhantais a dhéanamh ar dhéantáin an mhúsaeim, mar a aontaítear le Ceannasaí an Chaomhantais.

National Museum of Ireland

- Teicnící éagsúla imscrúdaithe a úsáid chun déantáin a scrúdú agus a imscrúdú, mar chuid den phróiseas measúnaithe do chaomhnú leasúcháin agus ar mhaithe le taighde agus foilsiú.
- Na bailiúcháin a uasghrádú agus a chur chun cinn trí chaomhnú agus cúram do na bailiúcháin, taispeántais, taighde, foilsiú agus léachtaí sa bhaile agus i gcéin.
- Gnásanna agus modhanna sábháilte pacála a mhaoirsiú, a cheapadh agus a chur i bhfeidhm, ar chaighdeán caomhantais chun déantáin a iompar.
- Measúnú a dhéanamh ar dhálaí stórála agus taispeána agus ar na hábhair atá in úsáid, agus feabhsuithe a dhéanamh orthu de réir mar is gá chun bailiúcháin an mhúsaeim a chaomhnú san fhadtárma, i gcomhairle leis an gCeannasaí Caomhantais.
- Teagmháil a dhéanamh le coimeádaithe maidir le gnásanna caomhantais do bhailiúcháin teicstíle.
- Teagmháil a dhéanamh le haitirí/dearthóirí/innealtóirí ar ábhair dhearaidh do chásanna agus ar rialú na timpeallachta i gcás taispeántas.
- Monatóireacht a dhéanamh ar na déantáin atá ar taispeánt.
- Monatóireacht a dhéanamh in éineacht le comhghleacaithe ar an gcóras rialaithe timpeallachta, ar bhainistíocht lotnaidicé agus ar obair tí sna gailearaithe agus sna stórais ina bhfuil bailiúcháin a bhaineann le do speisialtóireacht.
- Gníomhú mar theachtair nuair is gá.
- Obair allamuigh a dhéanamh nuair a iarrtar é.
- Taifid mhionsonraithe de gach obair a dhéantar a thiomsú agus a chothabháil.
- Teagmháil a dhéanamh leis an gCeannasaí Caomhantais maidir le dualgais a thabhairt d'intéirigh caomhantais.
- Trealamh agus soláthairtí na saotharlainne caomhantais a oibriú agus a chothabháil.
- Obair bhaill foirne eile, conraitheoirí príobháideacha agus foireann Oifig na nOibreacha Poiblí a threorú i ngnóthaí caomhantais.
- Comhairle a chur ar fáil do mhúsaeim áitiúla agus d'ionaid oidhreachta maidir le monatóireacht agus rialú na timpeallachta; agus cigireacht a dhéanamh ar na láithreáin sin féachaint an mbeidís oiriúnach chun déantáin a stóráil agus a chur ar taispeánt iontu.
- Cabhrú chun cúrsaí caomhantais a chur chun cinn agus comhairle ar chúrsaí caomhantais a thabhairt don phobal.
- Léachtaí agus turais mhíniúcháin ar an roinn a thabhairt nuair a iarrtar iad.
- Cabhrú leis an gClár Oideachais Caomhantais go háirithe ar leibhéal ollscoile mar a iarrann an Ceannasaí Caomhantais.
- Bheith chun dáta le forbairtí sa réimse agus cuidiú leo sa raon speisialtóireachta/réimse caomhantais teicstíle agus torthaí ar thionscadail taighde a fhoilsiú.

National Museum of Ireland

- Beartas, nósanna imeachta agus prótacail chaomhantais agus cúram don bhailiúchán a chur i bhfeidhm.
- Aon dualgas eile a d'fhéadfadh an Ceannasaí Caomhantaisí a shannadh ó am go chéile a chomhlíonadh.

Sonraíocht Phearsanta

Riachtanais

- Cáilíocht ghairmiúil aitheanta i gCaomhnú Teicstílí go leibhéal céim onóracha nó céim iarchéime.
- 3+ bliana de thaithí ábhartha oibre tar éis na céime ar an tslí le caitheamh le bailiúcháin bunaithe ar theicstílí, i dtimpeallacht músaeim, de rogha

Na nithe seo a leanas:

- Scileanna praiticiúla inléirithe den scoth i gcaomhnú mar aon le heolas cuimsitheach ar theoiric an chaomhantais agus ar chinnteoireacht eiticiúil.
- Scotheolas ar bhailiúcháin mhúsaeim agus ar phrionsabail agus ar chleachtas na linne seo i gcaomhnú coisctheach le tagairt ar leith do bhailiúcháin bunaithe ar theicstílí.

Inmhianaithe

- Taithí ar bhailiúcháin teicnstíle músaeim a chaomhnú (ábhair/déantáin seandálaíochta agus eitneagrafach san áireamh).
- Taithí ar oibriú i dtimpeallacht músaeim nó i dtimpeallacht oidhreachtach cultúrtha gaolmhar.
- Scileanna eagraíochtúla den scoth agus an cumas pleanáil go héifeachtach agus tosaíochtaí a leagan síos.
- Scothscoileanna taighde agus anailísíochta
- Cumas léirithe chun spriocanna ama a chomhlíonadh agus fócas a choimeád faoi bhrú oibre
- Cumas léirithe chun dul i mbun oibre go héifeachtach mar bhall d'fhoireann agus ag an am céanna a bheith féin-inspreagtha agus in ann foghlaim go tapa
- Taithí ar gach gné de thionscadail chaomhantais a bhainistiú.
- Dea-scileanna cumarsáide, lena n-áirítear scileanna scríbhneoireachta, eagarthóireachta agus cur i láthair
- Cur chuige dearfach i leith dul i mbun oibre san Ard-Mhúsaem agus spéis agus fonn chun do chion a dhéanamh chun feachtas a chothú mar gheall ar ghníomhaíochtaí caomhantais na Roinne Caomhantais.
- Eolas fairsing ar phrionsabail agus ar chleachtais chaomhantais na linne seo, agus ar eolaíocht ábhar.

National Museum of Ireland

An Próiseas Roghnúcháin

I gcás go bhfaightear i bhfad níos mó iarratas ná mar is gá chun an folúntas reatha agus aon fholúntas eile a mheastar a thiocfaidh chun cinn i dtréimhse an phainéil a líonadh, is féidir go gcuirfidh Ard-Mhúsaem na hÉireann próiseas gearrliostaithe i bhfeidhm faoina n-iarrfar ar roinnt iarrthóirí dul faoi agallamh ar bhonn an eolais atá tugtha acu ar a bhfoirmeacha iarratais. Ní hionann sin agus a rá go bhfuil na hiarrthóirí eile neamhoiriúnach, nó nach bhféadfaidís an obair a dhéanamh, ach go bhfuil iarrthóirí eile ann ar an ócáid seo atá níos cáilithe, ar bhonn an eolais atá tugtha acu, agus/nó go bhfuil taithí níos ábhartha acu.

Ní aisíocann Ard-Mhúsaem na hÉireann aon chostas a ghabhann le taisteal chun agallaimh.

Riachtanais Saoránachta

Seo na grúpaí saoránach a cháilíonn:

- (a) Saoránaigh den Limistéar Eorpach Eacnamaíoch. Ballstáit an Aontais Eorpaigh mar aon leis an Íoslainn, an Iorua agus Lichtinstéin atá i gceist leis an LEE; nó
- (b) Saoránaigh den Eilvéis de bhun comhaontú idir an AE agus an Eilvéis ar shaorghluaiseacht daoine; nó
- (c) Saoránaigh nach saoránaigh LEE iad ach ar céile nó leanbh de chuid saoránach LEE nó saoránach Eilvéiseach iad agus víosa stampa 4 acu; nó
- (d) Daoine a bhfuil cosaint idirnáisiúnta á fháil acu faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 acu; nó
- (e) Saoránaigh nach saoránaigh den LEE iad ach ar tuismitheoirí leanbh cleithiúnach iad nó saoránaigh de chuid bhallstát LEE nó den Eilvéis, a bhfuil cónaí orthu i dtír LEE nó san Eilvéis, agus a bhfuil víosa stampa 4 acu.

Ní mór d'iarrthóirí ceann amháin de na critéir shaoránachta thuas a chomhlíonadh faoin lá a dtairgtear post dóibh.

Scéim Luathscoir Dhreasaithe (ISER):

Is coinníoll é den Scéim Luathscoir Dhreasaithe (ISER), mar atá sé leagtha amach in Imlitir 12/09 na Roinne Airgeadais, go gcoiscítear daoine atá ar scor faoin scéim sin ó chur isteach ar aon phost eile san fhostaíocht nó san earnáil chéanna. Mar sin, ní ghlacfar le hiarratais ó dhaoine atá ag baint leas as an scéim sin.

Imlitir (7/2010) na Roinne Sláinte agus Leanaí:

Le himlitir (7/2010) na Roinne Sláinte agus Leanaí den 1 Samhain 2010 tugadh isteach Scéim Spriocdhírthe um Luathscor Deonach (VER) agus Scéim Iomarcaíochta Deonaí (VRS). Is coinníoll den scéim VER é nach gcáileoidh daoine a bhaineann leas as an scéim le cur isteach ar athfhostaíocht san earnáil sláinte phoiblí nó san earnáil phoiblí i gcoitinne, nó i gcomhlacht a mhaoineítear go hiomlán nó go páirteach as cistí poiblí. Tá feidhm ag an gcosc céanna ar athfhostaíocht faoin scéim VRS ach ní mhairfidh an cosc ach go ceann seacht mbliana agus caithfidh an tAire Caiteachais Phoiblí agus Athchóirithe toiliú a thabhairt i gcás aon athfhostaithe ina dhiaidh sin. Daoine a bhain leas as aon cheann den dá scéim sin, ní cháileoidh siad chun dul isteach sa chomórtas seo.

Comhaontú Comhchoiteann: Íocaíochtaí Pinsin le Seirbhísigh Phoiblí

Le litir dar dáta an 28 Meitheamh 2012 chuig oifigigh pearsanra, thug an Roinn Caiteachais Phoiblí agus Athchóirithe isteach Comhaontú Comhchoiteann, le héifeacht ón 1 Meitheamh 2012, a rinneadh idir an Roinn Caiteachais Phoiblí agus Athchóirithe agus Coiste Seirbhísí Phoiblí Chomhdháil na gCeardchumann maidir le híocaíochtaí iomarcaíochta ex-gratia do sheirbhísigh phoiblí. Is coinníoll é den chomhaontú comhchoiteann nach gcáileoidh daoine a bhain leas as an gcomhaontú seo le cur isteach ar athfhostaíocht sa tseirbhís phoiblí nó in aon chomhlacht seirbhíse poiblí (mar a shainítear iad sna hAchtanna um Bearta Airgeadais Éigeandála ar Mhaithe le Leas an Phobail, 2009-2011) go ceann dhá bhliain ó dheireadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe de

National Museum of Ireland

dhíth sula n-athfhostaítear an t-iarrthóir. Daoine a bhain leas as an scéim seo agus a d'fhéadfadh áit a bhaint amach sa chomórtas seo, beidh orthu a chruthú go gcáilíonn siad chun an post a ghlacadh (deireadh a bheith tagtha leis an tréimhse neamhcháilitheachta) agus beidh toiliú an Aire de dhíth sular féidir glacadh le haon fhostaíocht le comhlacht seirbhíse poiblí.

Dearbhú: Iarrfar ar iarratasóirí a dhearbhu cibé ar bhain siad leas roimhe seo as aon scéim luathscoir dhreasaithe seirbhíse poiblí. Beidh ar iarratasóirí a dhearbhu, leis, cibé an bhfuil aon teidlíocht acu ar phinsean seirbhíse poiblí (atá á íoc nó atá forchoimeáda) ó aon fhostaíocht seirbhíse poiblí eile agus/nó an bhfuair siad íocaíocht in áit seirbhíse in aon fhostaíocht seirbhíse poiblí.

Treoracha chun iarratais a dhéanamh

Iarrtar ort d'iarratas a chur isteach ar an roinn folúntas i **láithreán Gréasáin Ard-Mhúsaem na hÉireann**: <https://www.museum.ie/en-IE/About/Careers/Vacancies>

Iarrtar ar iarratasóirí foirm iarratais a líonadh isteach agus CV suas chun dáta agus litir chlúdaigh a chur isteach leis.

Iarraimid ort gach ceann de na trí dhoiciméad a chomhcheangal agus a chur isteach i bhfoirm PDF amháin

Caithfear gach ceist ar an bhfoirm iarratais a fhreagairt agus iad a chlósú. Ní ghlacfar le hiarratais lámhscríofa ná le hiarratais san fhormáid mhícheart. Mura ndéantar, féachfar air mar iarratas neamhiomlán agus ní chuirfear san áireamh é.

Tosaigh an próiseas iarratais ar ár leathanach Vacancies.

Na céimeanna:

- Gabh chuig an leathanach Vacancies agus roghnaigh an post ar a bhfuil tú ag cur isteach.
- Léigh an Leabhrán Eolais chun sonraí uile an phoist a fháil.
- Feicfear na doiciméid a theastóidh don iarratas ar an leathanach seo i bhfoirm nasc.
- Cliceáil gach doiciméad, a osclóidh i bhfuinneog nua. Íoslódáil/Sábháil gach doiciméid ar do ríomhaire/do ghléas.
- Líon isteach na doiciméid riachtanacha, agus déan **PDF amháin** de na doiciméid, do CV agus do litir chumhdaigh.
- Agus é sin déanta, fill ar shuíomh gréasáin an Ard-Mhúsaeim agus críochnaigh an próiseas iarratais.
- Arís, gabh chuig an leathanach [Vacancies](#) roghnaigh an post a bhfuil tú ag cur isteach air.
- Cliceáil an cnaipe **Apply Now**.
- Líon isteach an fhoirm.
- Uaslódáil do PDF amháin.
- Déan an tseiceáil Captcha agus ansin cliceáil **'Submit Your Application'**.

Cuir **seoladh monatóirithe bailí ríomhphoist**. Úsáidfear an seoladh ríomhphoist chun d'iarratas a admháil agus mar phríomh-mhodh teagmhála le hiarratasóirí.

Dáta Deiridh d'Iarratais

**Ní mór iarratais a bheith faighte ar a cúig a chlog tráthnóna
Dé hAoine 4 Feabhra 2022.**

Ní ghlacfar le hiarratais dhéanacha. Cloífear go docht leis an dáta agus an am deiridh, agus mar sin is faoin iarratasóir a bheidh sé a chinntiú go bhfaightear an t-iarratas sula mbeidh an t-am istigh.

Coimeádaí Cúnta Grád II, Coimeádaí Teicstíle, an Roinn Caomhantais. **Príomhchoinníollacha seirbhíse**

Pá

Seo an scála pá do phost an Choimeádaí Cúnta Grád II Scála PPC (PSSA D.F. 2021 1% nó €500):

32,821.00	35,150.00	€35,774.00	38,883.00	42,002.00	45,122.00	48,243.00	50,170.00	
1	2	3	4	5	6	7	8	
52,108.00	54,061.00	56,001.00	57,948.00	59,895.00	61,836.00	63,791.00	65,955.00	68,114.00
9	10	11	12	13	14	15 NMAX	16 LSI1*	17 LSI2**

Faoi réir feidhmíocht shásúil, is féidir go n-íocfar breiseanna ar aon dul le beartas reatha an Rialtais.

* Tar éis seirbhís shásúil trí bliana ar a laghad.

* Tar éis seirbhís shásúil sé bliana ar a laghad.

An Tuarastal Tosaigh

Déanfar an ceapachán ar íospointe an scála - €32,821 sa bhliain. an 1^ú pointe ar scála an Choimeádaí Chúnta Grád II, Scála PPC (PSSA, D.F. 2020, 2%). D'fhéadfaí an ráta tuarastail a choigeartú ó am go chéile ar aon dul le beartas pá an Rialtais.

Tionacht

I gcáil phromhaidh ar feadh bliana a dhéanfar an ceapachán. Faoi réir na tréimhse promhaidh a bheith sásúil, tairgfear Conradh d'Fhad Éiginnte. D'fhéadfadh ceachtar páirtí an ceapachán a fhorceannadh uair ar bith de réir na nAchtanna um Fhógra Íosta agus Téarmaí Fostaíochta 1973 agus 1991.

Saoire bhliantúil

25 lá oibre sa bhliain an tsaoire bhliantúil sa bhliain ag méadú go 27 lá tar éis seirbhís 5 bliana

agus 29 lá oibre tar éis deich mbliana seirbhíse. Ar sheachtain oibre cúig lá a bhunaítear an tsaoire seo agus ní chuirtear laethanta saoire bainc san áireamh ann.

Uaireanta oibre

Socrófar na huaireanta oibre ó am go chéile ar aon dul le comhaontuithe lárnacha ach ní sháróidh siad 43.25 uair chomhlána sa tseachtain (37 nglanúair sa tseachtain). Tá uaireanta solúbtha oibre ar fáil ar aon dul le beartas Ard-Mhúsaem na hÉireann ar uaireanta oibre solúbtha.

Aontóidh tú comhoibriú chun cabhrú le hArd-Mhúsaem na hÉireann taifid chruinne a choiméad de d'uaireanta oibre le haghaidh cuspóirí Alt 25 den Acht um Eagar Am Oibre, 1997

Dualgais

National Museum of Ireland

Ceanglófar aon dualgas atá cuí don phost, agus a d'fhéadfaí a shannadh duit ó am go chéile, a chomhlíonadh. Post lánaimseartha a bheas ann agus ní bheidh aon cheangal agat le haon ghnó lasmuigh a chuirfeadh isteach ar fheidhmiú na ndualgas oifigiúil. Aontaíonn tú tabhairt faoi na dualgais a ghabhann leis an bpost agus glacadh leis na coinníollacha faoina gcaithfear na dualgais a chomhlíonadh.

Ginearálta

Déantar an ceapachán faoi réir Achtanna Rialaithe na Státseirbhíse, 1956 go 1996, Acht um Bainistíocht na Seirbhíse Poiblí (Earcaíocht agus Ceapacháin) 2004 agus aon acht eile atá i bhfeidhm faoi láthair maidir leis an státseirbhís. Déanfar an ceapachán faoi réir bheartais Ard-Mhúsaem na hÉireann maidir le Cód na gCaighdeán agus na hlompraíochta.

Aoisliúntas agus Scor

Tairgfear na téarmaí agus na coinníollacha cuí aoisliúntais don iarrthóir rathúil, faoi mar atá i réim in Ard-Mhúsaem na hÉireann nuair a thairgtear an ceapachán. I gcoitinne, agus ach amháin i gcás iarrthóirí a d'oibrigh i bpost inphinsin seirbhíse poiblí (téarmaí na scéime neamhaonair) sna 26 seachtain roimh an cheapachán (féach alt d thíos), ciallaíonn sin go dtairgfear an ceapachán bunaithe ar bhallraíocht den Scéim Pinsin Seirbhíse Poiblí Aonair ("An Scéim Aonair"). Is iad seo a leanas príomhfhorálacha bhallraíochta na Scéime Aonair:

a. Aois Inphinsin

Is é 66 an aois íosta ag a mbíonn pinsean iníoctha (ag méadú go 67 agus 68) ar aon dul le hathruithe ar an aois don Phinsean Stáit.

b. Aois Scoir:

Ní mór do bhaill na scéime dul ar scor ag aois 70.

c. Maolú Pinsin

- Má bhí an ceapaí fostaithe roimhe seo sa státseirbhís agus ag fáil pinsin ón státseirbhís, beidh feidhm ag na gnáthrialacha maolaithe. Ach má bhí an ceapaí fostaithe sa státseirbhís roimhe seo agus má bronnadh pinsean air/uirthi faoi shocruithe luathscoir dheonaigh (seachas an Scéim Luathscoir Dhreasaithe (ISER) nó VER/VRS na Roinne Sláinte faoi Imlitir 7/2010, a chuireann daoine as an áireamh don chomórtas seo, mar a míníodh thuas), beidh deireadh le teidlíocht an duine sin ar an bpinsean sin le héifeacht ó dháta an cheapacháin. Déanfar socruithe speisialta, áfach, chun seirbhís a thug an ceapaí roimhe seo a ríomh chun críocha aon dámhachtain pinsin a bhféadfadh an ceapaí cáiliú dó.
- Má bhí an ceapaí fostaithe roimhe seo sa státseirbhís nó sa tseirbhís phoiblí, tabhair ar aird go bhfuil foráil san Acht um Pinsin Seirbhíse Poiblí (Scéim Aonair agus Forálacha Eile) 2012 a leathnaíonn maolú pinsin chuig gach státseirbhíseach nó seirbhíseach poiblí a athfhostaítear fad a bhíonn pinsean seirbhíse poiblí á íoc. Tháinig an fhoráil chun maolú a chur i bhfeidhm sa tseirbhís phoiblí i gcoitinne isteach ar an 1 Samhain 2012. **Is féidir go mbeidh impleachtaí pinsin ag an bhforáil sin do dhuine ar bith a cheaptar sa phost seo agus atá ag fáil pinsin státseirbhíse nó seirbhíse poiblí nó a bhfuil pinsean státseirbhíse nó seirbhíse poiblí caomhnaithe aige/aici, pinsean a thosófar a íoc laistigh dá t(h)réimhse fostaíochta sa phost seo.**
- Imlitir 102/2017 maidir le Scéim Luathscoir na Roinne Oideachais agus Scileanna do Mhúinteoirí

National Museum of Ireland

Thug an Roinn Oideachais agus Scileanna Scéim Luathscoir isteach do Mhúinteoirí. Is coinníoll é den Scéim Luathscoir, ach amháin sna cásanna atá leagtha amach i míreanna 10.3 agus 10.3 de na himlitreacha cuí, agus sna cásanna sin amháin, má ghlacann múinteoir le luathscor faoi **Shnáithe 1, 2 nó 3** den scéim seo agus go bhfostaítear é nó í i gcáil ar bith in aon réimse den earnáil phoiblí, **cuirfear deireadh láithreach** le hóc aon phinsin leis an duine sin. Atosófar na híocaíochtaí pinsin ar chríoch na fostaíochta sin nó ar 60ú breithlá an duine sin, cibé acu is déanaí, ach ar a atosú, bunófar an pinsean ar sheirbhís inríofa iarbhír an mhúinteora sin (.i. ní chuirfear na blianta breise a deonaíodh roimhe sin san áireamh agus an íocaíocht pinsin á ríomh).

- **Scor de dheasca easláinte** I gcás ina dtéann duine ar scor ó chomhlacht Státseirbhíse nó Seirbhíse Poiblí ar chúiseanna easláinte is féidir go mbeidh a p(h)insean ón bhfostaíocht sin faoi réir athbhreithniú de réir rialacha an scoir easláinte atá mar chuid de scéim pinsin na fostaíochta sin.

d. Iarsheirbhísigh Phoiblí

Cé gurb é ballraíocht sa Scéim Aonair na téarmaí réamhshocráithe pinsin, mar atá leagtha amach sna míreanna roimhe seo, is féidir nach mbeidh feidhm aige seo maidir le ceapaithe áirithe. Tugtar gach coinníoll a rialaíonn cibé an mbaineann seirbhíseach poiblí leis an Scéim Aonair nó nach mbaineann san Acht um Pinsin Seirbhíse Poiblí (Scéim Aonair agus Forálacha Eile) 2012. Ach is é an príomhchás eisceachta (i gcomhthéacs an chomórtais seo agus i gcoitinne) nach gnách go mbainfeadh **duine a d'oibrigh i gcáil inphinsin (téarmaí nach téarmaí na scéime aonair iad) sa tseirbhís phoiblí laistigh de 26 seachtain de dhul i mbun oibre, leis an Scéim Aonair**. I gcás mar sin is amhlaidh go dtairgfaí ballraíocht sa scéim pinsin do státseirbhísigh neamhbhunaithe ("Scéim Pinsin d'Fhostaithe Stáit Neamhbhunaithe") d'iarrthóir mar sin. Chiallódh sé sin go mbeadh feidhm leis na forálacha maolaithe ag (c) thuas, agus anuas ar sin bheadh impleachtaí ann maidir le fabhrú pinsin mar a mhínítear thíos:

e. Fabhrú Pinsin

Bheadh feidhm le teorainn 40 bliain ar an tseirbhís iomlán a bheadh inríofa i leith pinsin i gcás ina raibh an duine sin ina bhall de níos mó ná scéim pinsin seirbhíse poiblí amháin. Tháinig an teorainn 40 bliain, a bhforáiltear dó san Acht um Pinsin Seirbhíse Poiblí, 2012, isteach ar an 28 Iúil 2012. **Is féidir go mbeidh impleachtaí aige sin d'aon cheapaí a bhfuil cearta pinsin faighte aici/aige i bhfostaíocht seirbhíse poiblí roimhe seo.**

f. Asbhaint maidir le Pinsean

Déantar an ceapachán seo faoi réir asbhaint maidir le pinsean de réir an Achta um Bearta Éigeandála Airgeadais ar mhaithe le Leas an Phobail 2009. Gheofar tuilleadh eolais i dtaobh Scéim Pinsin na Seirbhíse Poiblí do sheirbhísigh phoiblí ag: <http://www.per.gov.ie/pensions>

Saoire bhreuiteachta

Is féidir pá iomlán le linn saoire bhreuiteachta le deimhniú cuí, ar choinníoll nach bhfuil aon fhianaise ann ar éagumas buan chun seirbhíse, a cheadú suas go 92 lá sa bhliain agus ar leathphá ina dhiaidh sin, faoi réir 183 d'uaslíon laethanta breuiteachta in aon tréimhse cheithre bliana nó faoina bhun.

Iarrfar ar an gceapaí sainordú a shíniú lena n-údarófar don Roinn Coimirce Sóisialaí chun aon sochair atá dlite faoi na hAchtanna Leasa Shóisialaigh a íoc go díreach le hArd-Mhúsaem na hÉireann agus beidh íocaíocht le linn na breuiteachta faoi réir oifigigh a dhéanfaidh na héilimh riachtanacha ar shochar árachais shóisialaigh chuig an Roinn Coimirce Sóisialaí laistigh de na teorainneacha ama i dtrácht.

National Museum of Ireland

Rúndacht oifigiúil agus ionracas

Beidh an ceapaí faoi cheangal ag forálacha an Achta um Rúin Oifigiúla 1963, arna leasú ag an Acht um Shaoráil Faisnéise, 1997. Aontóidh an ceapaí gan aon eolas rúnda, go háirithe eolas tráchtála, a nochtadh do thríú páirtithe le linn nó tar éis an téarma fostaíochta.

Réamhcheadú foilseachán

Ní aontóidh an ceapaí ábhar maidir le dualgais oifigiúla a fhoilsiú gan chead roimh ré ó Stiúrthóir Ard-Mhúsaem na hÉireann.

Gníomhaíocht pholaitiúil

Le linn thréimhse na fostaíochta, beidh an ceapaí faoi réir rialacha a rialaíonn státseirbhísigh agus an pholaitíocht.

Sonraí breise

Gheofar forálacha maidir le téarmaí agus coinníollacha eile, ar nós catagóirí saoire (saoire mháithreachais, uchtála agus sláinte agus sábháilteachta san áireamh), a bhféadfadh cuid nó gach ceann díobh a bheith ábhartha maidir leis an gceapaí, leagtha amach in imlitreacha ar www.personnelcode.gov.ie.

Níl anseo ach treoir. Eiseofar na téarmaí agus na coinníollacha iomlána mar chuid den chonradh fostaíochta.

